

SULINERMIK INUUSSUTISSARSIUTEQARTUT PEQATIGIIFFIAT
JUULIUSIP AQQ. 17-78 POSTBOKS 38 E-MAIL: qasigiannuit@sik.gl
TLF: 256565
3951 QASIGIANNGUIT

Peqatigiiffiup sumiiffia kattuffiullu ilaasortaaffia

§ 1. Peqatigiiffiup aqqa. Sulinermik Inuussutissarsiuqartut Peqatigiiffiat Qasigiannuit

Postbox 38 3951 Qasigiannuit

Juliusip Aqq 17

Naalisarlugu S I P Q

§ 2. Peqatigiiffiup suliaqarfia

3951 Qasigiannuit Kommune Qeqertalik

§ 3. Peqatigiiffiup attaveqaataa ilaasortaaffialu.

Sulinermik inuussutissarsiuqartut Peqatigiiffiat Sulinermik inuussutissarsiuqartut kattuffiannut S I K-mut ilaasortaavoq (Immikkoortortaalluni).

Siunertaq suliassallu:

§ 4. Imm: 1 Peqatigiiffiup siunertaraa suliassaralugulu suliffeqarfinni sulisut sinniisaat suleqatigalugit immikkoortorta qarfiit allat S I K-lu ingerlatsiviillu allat soorlu S I K-p allattoqarfia , kingunissalimmik suleqatiginerisigut ilaasortanut iluaqtissiinissaq:

A. Sulisartut aamma Lærlingit/ilinniartut sumiiffimmiittut tamaasa ataatsimoortissallugit akissarsiatigut atorfeqarnikkullu atugassarisanik pitsaasunik kiisalu sullivinni suliffeqarnikkut avatangiisinik toqqissisimanartunik angusaqarumalluni.

B. Isumaqatigiissutit inatsisillu atuuttut – soorlu sullivimmi avatangiisit pillugit – illoqarfimmi suliffeqarfinni eqquutsinneqartarnissaat sulissutigissallugu.

C. Ilaasortat suliffeqannginnerisa napparsimanerisalu nalaanni pisariaqartitaminnik ikiorserneqartarnissaasa sulissutiginnissaat.

E. Sulisartut peqatigiinneranni kammalaatigiinnerannillu katersuuffiussalluni.

F. Ilaasortat pinnaatitaaffii pillugit siunnersortassallugit.

G. Suliffeqarfinni isumaqatigiinnginnerini, soorlu inunnut aaliangersimasunut tunngatillugu suliassani ilaasortat akuuffigisaanni, ilaasortat soqutigisaannik S I K-p allattoqarfia suleqatigalugu illersuisalluni.

H. Illoqarfimmi suliffinni sulisut sinniisaannik qinersisarnissaq qulakkiissallugu, aammalu sulisut sinniisaasa qinerneqartut aqqinik S I K-p allattoqarfianut ilisimatitsissuteqartassalluni.

I. Sulisut sinniisaasa suliaat pillugit sulisitsisunik isumaqatigiissutit malinneqarnissaat qulakkiissallugu.

Ilaasortat:

§ 5. Ilaasortanngortinneqarsinnaapput kikkugaluartulluunniit S I K-p Malittarisassaani § 3-p piumasqaatinik naammassinnittut. Nassuiaat. S I K-p malittarissasaanni § 3-at ima oqaasertaqarpoq. (Kinaluunniit S I K-p siunertaanut § 2-mi taagorneqartunut peqataajumasooq ilaasortanngorsinnaavoq.) nassuiaat naavoq. (S I K-mi §2 uagut malittarisassatta § 4 taanna tungavigaa).

Imm: 1 Ukiorpassuarni ilaasortaasimasut allagartamik kajumissaaserneqartassapput sulisartut ullorsiorneranni tunniunneqartartussamik. Tamanna peqatigiiffiit siunnersuuteqarnerisigut pisassaaq. S I K-p malittarisassaannik issuaaneq naavoq).

Imm: 2 Ilaasortanngorneq pissaaq immersugassamik immersuinikkut atsiuinikkullu. Ilaasortaajunnaarneq imaluunniit allannguutit tamattutaaq nalunaarutigineqassapput.

Imm: 3 Ilaasortat nutaat peqatigiiffiup sulinera pillugu paasissutissinneqartarnissaannut siulersuisut akisussaapput.

Ataatsimeersuarneq:

§ 6. Ataatsimeersuarneq tassaavoq Peqatigiiffimmi oqartussaasoq qullerpaaq.

Imm: 1 ileqquusumik ataatsimeersuarneq ukiut marlukkaarlugit ingerlanneqartassaaq Maj-ip qaammataa naatinngu. Ataatsimeersuarnissaq minnerpaamik ullunik 14-nik sioqqullugu illoqarfiup allagarsiiviisigut kiisalu suliffeqarfimmi sinniisut aqqutigalugit suliffeqarfiit allagarsiiviisigut nalunaaruteqaqqaarluni Ataatsimeersuortoqartassooq.

Imm: 2 Ataatsimeersuarnermi oqaaseqarsinnaatitaasut taasisinnaatitaasullu tassaapput ilaasortat ilaasortaanermut akiliuteqarsimasut tamarmik. Pisinnaatitsilluni (inummi allamik) imaluunniit allakkatigut taasisoqarsinnaanngilaq.

§ 7. ileqquusumik ataatsimeersuarnermi ullormut oqaluuserisassat makkuninga imaqaassapput:

1. Ataatsimeersuarnermi aqutsisussamik imaqarniliortussamillu toqqaaneq.
2. Siulersuisut nalunaarutaat.
3. Naatsorsuutini kukkunersiukkanik Akuerineqartussanngorlugit saqqummiussineq.

4. Siunnersuutit tunniunneqarsimasut oqallisigineqarnerat.

A. Inatsisinut allannguutissat oqallisigineqarnerat.

5. Aningaasartuutissatut missigersuutit saqqummiuneqarnera akuerineqarnerallu.

6. Ilaasortaanermut akiliutip aalajangersarneqarnera.

7. Siulersuisunut qinersineq (tassani amerlanerussuteqarneq tunngavigineqassooq).

A. Siulittaasoq.

B. Siulittaasup tullia.

C. Allatsimik qinersineq.

D. Sinniisussanik marlunnik qinersineq, qinigassanngortittut ikinnerpaamik sisamaassapput.

8. Kukkunersiuvisumik toqqaaneq (naatsorsuutitut ingerlatsinermit malitassaq § 22 Imm: 1 malinneqassooq).

9. Taasariaqartut allat.

§ 8. Ilaasortat peqatigiiffimmut atassuteqartut (ilaasortasut) tamarmik qinerneqarsinnaapput.

§ 9. Siunnersuutit ataatsimeersuarnermi eqqartortikkusutat siulersuisunit tiguneqareersimassapput ataatsimeersuarnissaq kingusinnerpaamik ullunik 8-nik sioqqullugu. Ilaasortat § 6 Imm: 2 naapertorlugu oqaaseqarsinnaatitaallutillu taasisinnaatitaasut tamarmik siunnersuutit saqqummiussisinnaapput.

§ 10. Ataatsimeersuarnermi naliginnaasumik amerlanerussuteqarnikkut aalajangersaasoqartassaaq, malittarisassani allamik allassimasoqanngippat. Taasinerit naligiippata siunnersuut peerneqassaaq, taamaattorli inummik qinersineq ingerlanneqarpat qinersisoqaaqqissaaq. Qinerseqqinnermi taasinerit naligiippata makitsinikkut qinersineq ingerlanneqassaaq.

Imm: 1 Allalluni taasinerit ingerlanneqartassapput, tamanna ataatsimiinnermi peqataasumit – ataatsimit kissaatigineqarpat, kiisalu siulersuisunut qinigassanngortittut siulersuisuni ilaasortanit amerlanerit qinigasannngortippata.

§ 11. Ataatsimeersuarnermi S I K-p malittarisssaanut Peqatigiiffiullu nammineq malittarisassaanut akerliusumik aalajangiisoqarsinnaanngilaq, aalajangiinerillu pisassapput S I K-p ataatsimeersuarnerani imaluunniit Nakkutilliisoqarfimmi siulersuisuunerniluunniit aalajagiinerit ataqqillugit.

§ 12. Ataatsimeersuarnermi imaqarniliaq S I K-p allattoqarfianut nassiunneqassaaq kingusinnerpaamik ataatsimeersuarnermit sap: ak: pingasut qaanngiutsinnagit.

Immikkut ittumik ataatsimeersuarneq:

§ 13. Immikkut ittumik ataatsimeersuortoqarsinnaavoq siulersuisuni amerlanerussuteqartut tamanna pisariaqartutut isigippassuk imaluunniit sulisut sinniisaasa pingajorarterutaasa ilaasortalluunniit pingajorarterutaasa atsiornermikkut tamanna piumasarippassuk. Piumasarineqartoq ullormut oqaluuserisassatut siunnersuumik ilaqartinneqassaaq.

Imm: 1 immikkut ittumik ataatsimeersuarneq ingerlanneqassaaq tamatuminnga piumasaqarnerup siulersuisunit tiguneqarneraniit kingusinnerpaamik sap: ak: pingasut qaangiutsinnagit.

Imm: 2 Immikkut ittumik ataatsimeersuariaqqusisoqassaaq sivikinnerpaamik ullut 14-nit sioqqullugit najukkami allagarsiivitsigut aammalu sinniisut aqutugalugit suliffeqarfiit allagarsiiviisigut nalunaarutigineqartassooq.

Imm: 3 Immikkut ittumik ataatsimeersuarnermi siulersuisunut qinersisoqarpat qinersineq ileqqusumik ataatsimeersuarnissap tulliuttup tungaanut atuutissaaq:

Imm: 4 § 9 aamma § 11 -§ 13 taamatuttaaq atorineqassapput Immikkut ittumik ataatsimeersuarnermi.

Ilaasortat ataatsimiinnerat (ukiumut naatsorsuutit saqqumiinnerat):

§ 14. Ukiumi ataatsimeersuarfiunngitsumi ilaasortanut ataatsimiisitsisoqartassaaq (ukiumi qaangiuttumi naatsorsuutit saqqummiullugit) ataatsimiinneq Maj-i naatinngu pisassaaq, sivikinnerpaamillu ullunik 14-nik sioqqullugu ataatsimiigiaqqusisoqassaaq illoqarfimmi allagarsiivitsigut aammalu suliffinni sinniisut aqutugalugit suliffiit nivvingaaviisigut nalunaarutigineqassalluni.

Imm: 1 Ilaasortat ilaasortanut akiliummik akiligassiisutaasimasumik akiliisimasut tamarmik ilaasortat ataatsimiinnerani oqaaseqarsinnaatitaallutillu taasisinnaatitaapput. Inummik pisinnaatitsilluni allakkatigulluunniit taasisoqarsinnaanngilaq.

§ 15. Ilaasortat ataatsimiinneranni (Ukiumut naatsorsuutit saqqumiinnerani) ullormut oqaluuserisassat ikinnerpaamik makkuninnga imaqaassapput:

1. Ataatsimiinnermi aqutsisussamik imaqarniliortussamillu toqqaaneq.
2. Siulersuisut nalunaarutaat.
3. Naatsorsuutinik kukkunersiuukkanik ilisimatitsissutitut saqqumiussineq.
4. Siunnersuutit takkuttut.
5. Ilaasortaanermut akiliutip aalajangersarneqarnera.
6. Missingersuutit akuerineqarnerat.
7. Ukiumut qaangiuttumut siulersuisut ingelatsinerannut ilaasortat naliliinerat.
8. Taasariaqartut allat.

§ 16. §10 §13 taamatutaaq ator neqassapput ilaasortat ataatsimiinneranni. (naatsorsuutit saqqummiunerani).

Siulersuisut (suliassa):

§ 17. Siulersuisut peqatigiiffiup ulluinnarni aqunneqarneranut akisussaasuupput pisussaallutillu immikkoortorta qarfik S I K-p malittarisassai peqatigiiffiullu nammineq malittarisassai naapertorlugit aqussallugu, soorlu siunertat suliassallu § 4-mi taaneqartut sulissutigineqarnerat qulakkiissallugu. Taamattaq siulersuisut malissavaat S I K-p ataatsimeersunerani, Nakkutilliisoqarfiani siulersuisuunerinilu aaliagiinerit kiisalu peqatigiiffiup ataatsimeersuarnerani aalajangiinerit.

§ 18. Siulersuisut namminneq ulluinnarni suleriaasissartik alajangersaavigissavaat (malittarisassat ataatsimeersuarnerullu aalajagingaat malissallugit), siulersuisut akornanni suliassat aalajangersimasut agguataarnissaannik minnerpaamik ilaqartusaaq, kiisalu siulersuisut ataatsimiittarnissaannut sulisullu sinniisaannik ilaasortanillu ataatsimeeqatiginnittarnissamik pilersaaruteqassallutik.

Imm:1 Siulersuisut aalajagiisinnaassuseqarput siulersuisuni ilaasortat ikinnerpaamik affaat peqataagaangata. Taasinerit naligiippata siulittaasup taasineri aalajagiisuussaaq. Siulittaasup peqannginnerani siulittaasup tulliaa taasineri aalajagiisuussaaq.

Imm: 2 Siulittaasooq peqatigiiffiup ingerlanneqarneranut akisussaasuni qullersaavoq, siulersuisulli aalajagernerisigut tamanna siulersuisuni ilaasortamut allamut akisussaaffittut tunniunneqarsinnaalluni.

Imm: 3 Peqatigiiffiup ulluinnarni allaffissornikkut ingerlanneqarnera pillugu siulersuisut pisariaqartunik aalajagiisassapput, tamatumani aamma allaffimmi sulisumik atorfinitsitsinerit soraarsitsinerillu pillugit alajagiinernik (aalajagiisarnerni.)

Imm: 4 Siulersuisunut ilaasortat allaffimmilu sulisut ajunngitsorsiasaat akissarsiaqartinneqarnerallu, missingersuusiami ataatsimeersuarnermi imaluunniit ilaasortanut (ukiumut naatsorsuutit saqqumiunnerani) akuersissutigineqartumi allassimassapput.

Imm: 5 Siulersuisut pisussaapput aningaasartuutissatut pilersaarussiaq (Budget) malillugu peqatigiiffiup aningaasatigut ingerlatsinnera ingerlatissallugu.

§ 19. Siulersuisut ataatsimiinnerannit imaqarniliaq S I K-p allattoqarfianut nassiunneqassaaq ataatsimiinnerup kingorna kingusinnerpaamik sap: ak: 3 (pingasut) qaangiutsinnagit.

§ 20. Siulersuisunut ilaasortaq Naalakkersuisunut ilaasortatut toqqarneqaruni imaluunniit borgmesteritut qinigaaguni siulersuisunut ilaasortaajunnaassaaq.

Imm: 1 Siulersuisunut ilaasortaq politikikkut suliaqarnini pissutigalugu allamilluunniit pissuteqarluni siulersuisunut ilaasortatut suliassaminik isumaginissinnaajunnaartutut naliliiguni, taanna siulersuisunut ilaasortaajunnaarniarluni. Tamanna taamaallaat piffissamut killilimmut atuuppat, pineqartoq sulingiffeqarallarnissamut akuerineqaannarsinnaavoq. Sulingiffeqarallarnissamut akuerineqartoq siulittaasuuppat, siulittaasup tullia

sulinngiffeqarallannerup nalaani siulittaasutut atuutissaaq. Sulinnigiffeqarallarnissamut akuerineqartoq siulittaasup tullerippagu, siulersuisut aalajagiissapput siulersuisunut ilaasortaq sorleq sulinngiffeqarallannerup nalaani siulittaasup tulliatut atuutissanersoq.

Sulinngiffeqarallarnissamut akuerineqartoq siulersuisunut ilaasortaappat siulittaasuunngitsoq imaluunniit siulittaasumut tulliuunngitsoq, siulersuisut aalajagersinnaapput sinniisussamik siulersuisunut ilaasortanngortoqassasoq sulinngiffeqarnerup nalaani atuuttussamik, (ataatsimeersuarluni) qinersinermi § 8-mi nr. 7 – mi taaneqarnerpaasimasumik.

Imm: 2 Siulersuisunut ilaasortaq peqatigiiffiup aningaasaataanik atonerluisimasoq siulersuisunut ilaasortaajunnaarsinneqarsinnaavoq. Aningaasanik atonerluisimaneq ilaasortaajunnaarsitsinissaq pitinnagu kattuffiup kukkunersiuisuaniit uppernarsarneqassaaq. Aammattaaq ilaasortaajunnaarsitsisoqarsinnaavoq siulersuisunut ilaasortaq paasissutissanik allagaatinilluunniit peqatigiiffimmuut ajoqutaasumik atorneqarsinnaasunik siulersuisunit akuerineqarnani ingerlatitseqqiisimappat.

Imm: 3 Imm: 1-mi 2-lu taaneqartutut pisoqarnerani siulittaasooq siulersuisunut ilaasortaajunnaarpat siulittaasup tullia siulittaasuunngussaaq ileqquusumik ataatsimeersuarnissami tulliuuttumi siulittaasumik nutaamik qinersinissap tungaanut. Taava siulersuisut siulittaasup tullianik nutaamik qinersissapput. Tamatuma peqatigisaanik siulersuisuni sinniisussaq qinersinermi § 8 nr. 7-mi taaneqartumi taaneqarnerpaasimasooq siulersuisunut ilaasortatut atuutilissaaq. Siulersuisut aalajagersinnaapput periaaseq qulaani taaneqartoq atornagu immikkut ittumik ataatsimeersuariaqqusisoqassasoq piaarnerpaamik siulittaasussamik nutaamik qinersinissaq siunertaralugu.

Imm: 4 Imm: 1-mi 3-milu taaneqartutut pisoqarnerani siulittaasup tullia siulersuisunut ilaasortaajunnaarpat siulersuisut siulittaasup tullianik nutaamik qinersissapput siulersuisunut ilaasortat akornanit. (akornanniit). Tamatuma peqatigisaanik siulersuisuni qinersinermi § 8 nr. 7-mi taaneqartumi taaneqarnerpaasimasooq siulersuisunut ilaasortatut atuutilissaaq.

Imm: 5 Imm: 1-mi 3-milu taaneqartutut pisoqarnerani siulersuisunut ilaasortamik siulittaasuunngitsumik imaluunniit siulittaasumut tulliuunngitsumik siulersuisunit tunuartoqarpat siulersuisuni sinniisussaq qinersinermi § 8 nr. 7-mi taaneqarnerpaasimasooq ilaasortanngussaaq. Sinniisussat arlallit amerlaqatigiinnik taaneqarsimappata, imaluunniit sinniisussat taasinertaqanngitsumik qinigaasimappata, kina siulersuisunut ilaasortanngussanersoq makitsissutigineqassaaq.

Aningaasaqarneq. Naatsorsuutit aamma kukkunersiuiineq:

§ 21. Peqatigiiffiup ukiumoortumik naatsorsuutaasa qaammatisutit ukiuat malissavaat.

Imm: 1 siulersuisut peqatigiiffiup naatsorsuutai akuersissutigissavaat, taakkulu tamatuma kingorna ilisimatitsissutitut (akuerisassanngorlugit) ataatsimeersuarnermi imaluunniit ilaasortat ataatsimiinnerani (naatsorsuutinik ukiumoortunik saqqumiussinermi) saqqummiunneqassapput. Naatsorsuutit kukkunersiuisumit S I K-p ataatsimeersuarnerani qinerneqarsimasumit kukkunersiorneqartassapput.

Imm: 2 Peqatigiiffiup naatsorsuuserissuneqarnera S I K-p allattoqarfiani naatsorsuuserisumit ingerlanneqassaaq, taanna aammattaaq Peqatigiiffiup kontuinut netbankikkut isersinnaanermut peqatigiiffimmiit akuersissumik peqartussaalluni. S I K-p allattoqarfiata qaammatit tamaasa naatsorsuutitut allatukkat anillatsillugit (Mail-ikkut) peqatigiiffimmut nassiuttassavai.

Atsiornissamut maleruaqqusat aningaasanut akisussaassuseqarneq:

§ 22. Peqatigiiffik sinnerlugu atsiorsinnaatitaavoq siulittaasoq aamma ikinnerpaamik siulersuisunut ilaasortaq ataaseq. Taarsigassarsiniarnermi aamma illuutigisamik tunisaqarnermi pisinermilu imaluunniit qularnaveeqqusiussinermi Peqatigiiffik sinnerlugu siulersuisunut ilaasortat tamarmik atsiqataassapput.

Imm: 1 Peqatigiiffimmut ilaasortat peqatigiiffiup pisussaaffigilersimasaanut inuttut ataasiakkaatut pisussaaffilerneqarsinnaanngillat.

Malittarisassanik allanngortitsineq:

§ 23. Malittarisassat taamaallaat ataatsimeersuarnermi 2/3-mik amerlanerusuteqartunit allanngortinneqarsinnaapput, (amerlanerusuteqarnikkut) tassani allanngortitsinissamut siunnersuut ullormut oqaluuserisassani allassimassalluni. Malittarisassat taakkua minnerpaamik imaqassapput aalajangersakkanik peqatigiiffiit malittarisassaanni naligininnaasuni S I K-p ataatsimeersuarnerani akuersissutigineqarsimasuni allassimasunik.

Imm: 1 Malittarisassanik allanngortitsinerit ataatsimeersuarnermi akuersissutigineqarnerminniit atuutilissapput.

Peqatigiiffimmik atorunnaarsitsineq:

§24. Peqatigiiffimmik atorunnaarsitsineq taamaallaat ataatsimeersuarnermi pininnaavoq, tassani atorunnarsitsinissaq ullormut oqaluuserisassani allassimassalluni, ataatsimeersuarnermilu peqataasut 2/3 – sa siunnersuut akuerippassuk.

Imm:1 Atorunnaarsitsinermi peqatigiiffik akiitsoqarpat taakku akiligassaqarfinnut akilerneqassapput. Pigisat sinneruttut ilanngullugit allattaaviit protokolit il. II. S I K-p allattoqarfianut tunniunneqassapput

Malittarisassat akuersissutigineqarput: 12 maj 2023

Siulittaasup Atsiornera. Pia Rafaelsen Pia S Rafaelsen

Siulittaasup tulliaata atsiornera. Karen Rasmussen Karen Rasmussen

Allasip atsiornera .Gertrud Lange. Glange